

A P O L O G I A
Veritatis , ac Iustitiæ,
præsertim in foro con-
scientiæ, vindicatrix.

Authore

M^{tro}. FRANCISCO FRAYRE

Societ. Jesu, Lusitano.



Anno Domini M DC XLII.

Excellentissimo Domino
D. FRANCISCO de MELLO

*Serenissimi Regis nostri JOANNIS IV. patris,
ejusque à Conciliis de Statu, Marchioni Ferreyrensi,
Comiti Tentugalenfi, Olivençaro Praefecti, Domi-
natori Alvaçarenfi, Anfanenfi, Rabasa-
lenfi, Anfanenfi, Villarubienfi,
Aquapiscarienfi, &c.*

Excellentissime Domine.



Uoniam in aliis occa-
sionibus inferioris momenti, &
multo minoris difficultatis,
dignata est Excellentia vestra
mihi præcipere, ut sententiam
meam in scriptis declararem,
in præfenti, quæ publicam to-
tius Regni continet utilita-
tem, eidem Regno servitium,
non vulgare, & Excellentie
vestræ obsequium quaecun-
que me facturum existimavi, si
non expectato ipsius speciali,

ac expresso mandato, scriptis publicassem, quæ mea mens esset de
justitia, ac jure, quo maximus Rex, ac Dominus noster J O A N-
N E S IV. acceptavit hanc Lusitaniæ coronam, sibi à totius
Regni nobilitate, & populis oblatam, dejectis Castellæ Regi-
bus, ab antiqua, sexagenariaque ejusdem Coronæ possessione.
Et præter amorem in me erga patriam toties tam claris argumen-
tis testatum, pro cuius libertate vincula Eberæ sustinui, & adhuc
Portucaliæ sustineo exilium, & rerum omnium, quas mihi reli-
gio mea concesserat, spoliū, nec non præter studium in me,

tam antiquum erga Serenissimam domum Brigantinam, ad hunc laborem suscipiendum instigavit me experientia, qua assecutus sum plures viros illustres in hac materia scrupulo morderi, eo quod à multis in ea fuerim consultus: maximè cum intelligam decisionem hujus difficultatis in foro conscientiae, in quo eam præcipuè discutio, quia lites jam minimè formidamus, omnino dependere à notitia utriusque Juris, in qua Theologi nostri non sunt ita versati, propterea quod ingens ~~in~~opia illustrium Juris consultorum, qui in hoc Regno facillè reperiuntur, eos ab ea cura exoneret, quamvis ego curiositate ductus, aliisque Philosophiae, sacraeque Theologiae studiis, & professione minimè contentus, annos plurimos in hac facultate tam necessaria ad regimen spirituale, & temporale Reipublicae Christianae bene institutae allèquenda, non dubitaverim collocare. Spes mihi à Deo Opt. Max. non mediocris est injecta, fore, ut ex hoc qualicumque meo labore fructus sequatur optatus: is nimirum præter alios, ut militibus nostris non contingat ex erronea conscientia peccare, sed potius animosissimè dimicare, dum certiores facti de justitiae causae, quam defendunt, aeternae damnationis timore à vita periculis exponenda non retrahantur, cum gentilis quoque Poeta sit testatus, quod justitia, vel injustitia causae militibus conferat, vel auferat bellicam virtutem.

Propertius.

*Frangit, & attollit vires in milite causa,
Quae nisi justa subest, excutit arma pudor.*

Denique à regia benignitate Excellentiae vestrae spero, quod hujus exigui servitii eam faciat aestimationem, quam voluntas meretur, qua se praesentat oblatum. Portugaliae septimo Kalend. Januarias Anno Domini 1641.

Excellentiae vestrae

Antiquus, & humilis Capellanus

Franciscus Freyre.

NICOLAO CARVALIO

Lusitano Portucalensi, salutem.



*I*nter varios libellos, jucundissime Nicolae, quos ad me pro amicitia nostra misisti, & Lusitani nostri vocant manifestos, unus erat manuscriptus, Apologie titulo notatus à Magistro Francisco Freyre Societatis Jesu Lusitano compositus, & ab eodem per epistolam nuncupatoriam in fronte positâ Excellentissimo Domino D. Francisco de Mello Marchioni Ferreyrensi oblatus; dignissimus quidem sapientissimis hominibus hujus inferioris Germaniae visus, qui ante alios omnes typis mandaretur, propterea quod ceteri frigide admodum, exiliter, & obscure de justitia invictissimi Regis nostri Joannis IV. differere, & à puncto questionis aberrare videantur, cum nullius stylus in id figatur, ut ostendat, quo jure Rex Castellæ ab antiqua Lusitani Regni possessione sine injuria potuerit deturbari, in quo tantummodo versatur status, ac difficultas presentis controversiæ; sed unusquisque totus sit in coacervandis argumentorum capularibus quisquiliis aluta tunsioribus circa jus Serenissimæ Domine Catharinæ, quorum vis, & efficacia in ea tantum occasione valebat, in qua Regnum no-

strum possessore carebat : sed Franciscus ad scopum col-
limavit, solusque medium percussit, acutissime distinxit,
infinita propemodum utriusque Juris, Theologica facul-
tatis, & annalium eruditione illustravit, multiplici gra-
vissimorum doctorum autoritate stabilivit, mira inge-
nii acritate irrupit oppositos obices; objecta repagula in-
fregit, solidissime resolvit, & meridiana luce clarius cum
summa brevitate conclusit. Quamobrem, ne Lusitani
nostri, si tantam lucem in tenebris esse patiantur, igna-
vie incusentur, vel imperitiæ, quasi nesciant aurum à
luto, & a nitro discernere Margaritum, tibi gratum; &
Regi, patriæque obsequium singulare me facturum exi-
stimavi, si hanc à Francisco scriptam Apologiam typis
mandari curarem, & plura ad te exempla impressa re-
mitterem, ut phebæis radiis amula totum terrarum or-
bem collustrarent, ac ignorantie caliginem circa justitiam
Regis nostri invictissimi ab omnium mortalium animis
longè removerent. Sparge, fruire, & vale. Amstere-
dami pridie Kalendas Octobris Anno salutis 1641.

Tui Studioliſſimus

Martinus Iosephus.

A P O L O G I A

Veritatis, ac Iustitiæ, præser-
tim in foro conscientiæ,
Vendicatrix,

Authore M. FRANCISCO FRAYRE
Societ. Jes. Lusitano.

I..



Um hoc Anno 1640

à Servatore nato, prima die
Decembris, Serenissimus Do-
minus: JOANNES Dux
Brigantinus, Ordine 8, no-
mine 2., Lusitaniæ Rex fuis-
set. acclamatus. Vlyssipone, &
à toto regno non sine divinis
prodigiis incredibili animo-
rum consensu, ac inenarra-
bili populorum lætitiâ, & ap-
plausu statim ubique recep-
tus, dubitari captum est a

nonnullis domesticis timoratis, & à multis externis nostrarum
rerum ignaris, quo jure Joannes regnum acceperit, cum jam
ab annis sexaginta in ejus pacifica possessione essent Castellæ
Reges, & sæpe consultus respondi Joannem optimo jure regnum
sibi oblatum accepisse.

Cum

Cum igitur olim Anno 1578 Rex Lusitaniæ Sebastianus in bello Africano vel occubuisse, vel disparuisse, eique Magnus Patruus Henricus Cardinalis successisset, brevique sine liberis discessisset, Controversia de successione, aliis principibus legitime exclusis, ad Philippum secundum Catholicum regem Castellæ ex Elisabetha Imperatrice Henrici ultimi possessoris Sorore nepotem, & ad Dominam Catharinam Brigantiæ Ducissam ex Odoardo ejusdem Henrici fratre neptem reducta est: & Philippo Monarchæ potentissimo armis undequaque munito Lusitaniam ingredienti regnum solitis ceremoniis delatum, præstitumque est in Comitibus Nabantinis: à Philippo juramentum circa privilegia & immunitates Civitatum, & oppidorum, totiusque Regni, certis clausulis adjectis, conservanda. Quod quidem juramentum similiter præstitere postea 3 & 4 Philippus ejusdem successores in Comitibus Vlyssipponensibus: sed non semel à 2 & 3 & sæpius à 4 violatum. Lusitanorum animos ita commovit, ut iniquissimum jugum amplius ferre non valentes, de Joanne in Regem eligendo deliberarent; non mediocriter impulsæ à variis Sanctorum virorum, & Illustrum Prophetarum Oraculis, qui in hoc Anno 40 novum in Lusitania Regem erigendum multis antea sæculis pronuntiarunt.

Itaque tria sunt in hac materia veritatis, ac justitiæ solidissima fundamenta; singula per se sumpta scorsim ac separatim sine mutua unius ex alio dependentia, perfecte integra, & æquata. Primum est, quodd, nullo Doctore sive Theologo sive utriusque juris consulto discrepante, constat conditiones, & clausulas in primogeniorum (quale est omnium confessione regnum) institutionibus appositas ad unguem pro legibus esse observandas, ut videre est apud Paulum cons. 164 n. 2. vers 2 *dico* Lib. 2. Jacob. Simaricas de primogeniis Lib. 1. cap. 2. Molin. cod. tit. Lib. 1. cap. 2. n. 27. Burgos de Paz seniores in præm. Leg. Tauri n. 126. & juniorem Civili q. 2. n. 11. 31. & 32. Cabid. 1. p. decis. 121. n. 2. Mob. Theolog. tom. 3. d. p. 627. n. 5. Versicul. *Utrum aut.* & disp. 631. n. 2. & alios:

& alios : & ita definitum erat apud nos L. 13. extravag. p. 6.
 & postea incorporatum est in nova Ordinatio. Lib. 4. tit. 100.
 §. 3. & habetur apud Castellanos L. 40. Tauri. & L. 5. tit. 7.
 Lib. 5. novæ collection. In prima autem Majoratus Regii Lusitani institutione in generalibus Comitibus Lamecensibus circa regni Successionem adinstar Galliarum, unde primus Rex noster Alphonsus trahebat originem, perpetua Sanctione constitutum est, ut Regis filia extra Lusitaniam maritata, pro se, suisque descendentibus jus Succedendi in regnum amitteret, ne unquam ad externos regni corona deveniret; & constat ex capitulis eorum Comitiorum, quæ refert Doctor Antonius Brandanus Cisterciensis Ordinis in Lusitania Abbas generalis; regni que Maximus Chronicus, quem vulgò dicimus *Cronista Mor.* in 3. p. Lusit. Monarch. Lib. 10. Cap. 13. & à se reperta dicit in simplici codice apud Carthophylacum Alcobaciensē: sed, si rectè memini, Serenissimus Infans Odoardus Frater Joannis IV Regis nostri invictissimi multis ab hinc annis, antequam Brandanus eum librum typis mandasset, ea mihi dixit authentica reperiri in archivo Serenissimæ domus Brigantinæ. Lamecensis autem sanctio sic habet. *Sit ista lex in sempiternum, quod prima filia Regis accipiat maritum de Portugalle, ut non veniat regnum ad extraneos; & si casaverit cum Principe extraneo, non sit Regina, quia nunquam volumus nostrum regnum ire de Portugallensibus, qui nos sua fortitudine Reges fecerunt, sine adjutorio alieno, per suam fortitudinem & cum sanguine suo.* In hac lege, quæ lata est pro successione fœminarum, in defectu masculorum, jam olim fundati Lusitani Infantem Joannem Aruzianæ militiæ magistrum Regis Ferdinandi Fratrem nothum in Regem elegerunt, ne regni corona deveniret ad Beatricem ejusdem Regis Ferdinandi Filiam unicam, & Joannis Castellani Regis uxorem.

+fn

4. Prædicta verò Lamecensium Comitiorum Capitula jam Castellani fateri debent esse authentica, ex reg. *Quod semel placuit* 22. de regulis juris Lib. 6. quia ea in favorem regum suorum, licet perpetam, allegarunt in tractatu nuper Antverpiæ impresso de jure Castellani Regis ad regnum Lusitarum sub ficto nomine

B

Fratris

Fratris Joannis Caramuelis Cisterciensis. Ac proinde certum est formam institutionis Majoratus Regii Lusitani non fuisse observatam in deferenda successione illius Philippo II. Castellæ Regi Catholico; quippe qui natus est ab Elisabetha Imperatrice Filia Regis nostri felicissimi Emanuelis, quæ Imperatori Carolo V. extra Lusitaniam nupta est; ac ex eodem capite Dux Parmensis Maynutius Filius Sereniss. D. Mariæ manebat à Successione exclusus; Cùm similiter ejus Mater Maria Catharinæ Soror natu major Alexandro Farnesio homini externo nupta sit. Et cùm D. Antonius Prior Cratensis Filius nothus Infantis Ludolici aliunde non deberet admitti, propter illegitimos natales, unica Domina Catharina avia paterna Serenissimi Regis nostri Joannis IV. supererat Regiæ successionis capax, juxta formam primæ institutionis; utpote in Lusitania legitime nata ex Infante Odoardo Filio ejusdem Regis Emanuelis, & ex Infanta Elisabetha Jamy Ducis Brigantini Filia.

5. Unde cùm per se notum sit, jus, quod erat in D. Catharina, ad ejus filios & nepotes transiisse. Manifestum quoque est Reges Castellæ semper fuisse injustos, ac violentos possessores, usurpatores, ac detentores Lusitanæ coronæ; & consequenter Joannem IV. Regem nostrum invictissimum, jure optimo, tamquam legitimum D. Catharinæ, & primogenitum ex primogenito ejusdem Catharinæ Theodosio II. Duce Brigantino, vim vi, ubi primum commodè potuit, repulisse; dejiciendo justissime ab injusta possessione, & violenta detentatione Lusitani regni Philippum IV. Castellæ Regem patrualem suum juxta legem. *Qui possessionem*; & L. 3. §. *Exm igitur. ff. de vi, & vi armata* & L. 2. §. *Et confestim. ff. ad Trebel.* & cap. *Olim* 12. juncta glossa verbo: *cum statim. de restit. spoliat.* & *Ordinat. Lusit. Lib. 4. tit. 58. §. 2. in novis.* & tit. *So. in antiquis.* De quo Martia disp. 1. n. 27. & 28. Menoch. remed. 1. recuperand. n. 232. & à n. 383. Scobar de ratiociniis cap. 31. n. 24. Tiraquel. de constit. p. 3. limit 21. n. 11. Avendaou de *exequend. mandat.* p. L. cap. 16. n. 2. Salasceus consult. 88. n. 4. & 6. *departit.* cap. 3. n. 11. Caldas forens. Lib. 1. q. 22. à n. 6. & alii communiter. Imo cùm ex hoc capite manifestum, ac notorium sit non

jus

jus Castellani Regis, quamvis petat restitutionem possessionis, & velit agere via ordinaria de proprietate, non est facienda restitutio, ut notavit Menoch. citat. n. 215. & 233. & Perusin. decis. 17. n. 19. cum aliis.

6. Neque huic principio tam certo, ac evidenti quidquam obstant glossæ, ac declarationes, quas Doctor Antonius Brandanus statim in cap. 14. sequenti adhibuit prædictæ Sanctioni Comitiorum Lamecenſium; tum quia futilissime sunt, & extra propositum, tum etiam vel maximè, quia videtur eas adhibuisse, ne liber typis mandari prohiberetur à Regibus Castellæ, qui tunc temporis rerum potiebantur, eo quod in manifestum eorum præjudicium forma illa institutionis, & successionis verteretur: Neque prodesse potest Castellanis Regibus beneficium præscriptionis, quia contra futuros successores in majoratu neque longissimo tempore præscribitur, ut elegantissime cum aliis ostendit Gabriel Pr. decis. 52, a. n. 4. & tenent communiter Doctores in L. *Filius familias* §. *Divi*. ff. *de legatis* 1. & in L. *finali*. §. *fin* autem C. *communis de Legatis*; & nos plures allegavimus consil. nostro 48. n. 3. lib. 2. & cons. 39. n. 4. lib. 3. Neque sine possessione procedit præscriptio Reg. *sine possessione* de Reg. *juris* in 6. Possessio autem Regum Castellanonum in hoc regno Lusitano non erat possessio, sed invasio, intrusio, & mera detentatio, eo quod titulo careret. Cassadorus decis. 4. *de rest. spo* *liat*. Felin. in cap. *in nostra* n. 12. *de rescript*. Imo erat violenta rapina ex Ordin. Lusit. lib. 2. tit. 19: ut ex ea notat Gab. Pr. *de manu reg*. cap. 68. n. 10. ad finem, titulus enim successionis erat nullus, ex eo quod esset à Lege comitiorum Lamecenſium reprobatus. L. 2. juncta gloss. verbo: *non potuerunt*. C. *de usucapione pro emptore*. Latissime Sanch. lib. 2. *in decalog*. cap. 23. n. 101. & in possidente cum titulo à jure reprobato semper mala fides præsumitur, reg. *Qui contra jura*. De reg. *juris* in 6. Ordin. Lusit. lib. 2. tit. 13. §. 5. Neque ignorantia Lamecenſis Legis à mala fide in ordine ad præscribendum Reges Castellæ liberabat L. *nunquam* 2. ff. *de Usucapionis*; ac proinde & possess. & titulo, & bona fide ad præscribendum necessariis carebant.

B. 2

7. Et ad

7. Et ad hanc normam reducenda est Lusitani Senatus decisio 121. apud Cabedrum p. 1. & id, quod dixit idem Cabedus Decis. 27. n. 5. in simili, & tetigit Pereyra d. Decis. 52. n. 13. & Decis. 1. n. 9; cum etiam ad rem tantummodo presumendam, vinculo Majoratus subjectam tempus immemoriale requirat Ordinatio nostra Lib. 1. tit. 62. §. 51. Præsertim quia licet jam tres Reges externi Lusitanum Regnum obtinuerint; modus succedendi a lege in prima institutione constitutus non potuit immutari, saltem in foro interno per actus Violentos, impedito legitimo contradicatore à suprema potentia & autoritate tyrannopatoris. arg. reg. in L. 1. C. de annali except. item arg. cap. 2. juncta gloss. verb. *cum spoliatum*; & cap. *super hoc. de renunt.* & arg. cap. *cum dilect.* De iis, quæ vi: & L. *Nec timorem ff. de eo quod metus causa* & L. *ita demum ff. de receptis arbitris*: & L. *nemo ex suo ff. de reg. juris.* & cap. *sedes*, & cap. *plerumque de rescriptis*: & L. *finalis ff. De conditione ob turpem causam.* & L. 1. ff. *de dolo malo*: & L. *finalis ff. de procuratoribus.* & L. *Cum quidam §. si pupillo*: Ubi eleganter gloss. verb. *non potuit ff. de Usuris* & L. *non enim ff. ex quibus causis majores*, nam ex his omnibus colligitur, Neque potentiam, neque malitiam Regum Castellæ, vel iisdem prodesse potuisse, vel obesse, legitimis regni Lusitani successoribus in jure, & modo succedendi, dum propter utramque, vel utramlibet à capeſſendo regno, vel à jure suo proſequendo sunt retardati, ac proinde in Rege nostro invictissimo Joanne IV. ad hæc usque tempora jus illæsum & integrum perseverasse, & consequenter jure optimo delatum sibi regnum acceptasse, Regesque Castellanos injustos, ac violentos ejusdem regni detentores ab injusta possessione justissime deturbasse.

8. Accedit, quod quamvis Leges Civiles in foro conscientie obligarent; quod plerique Theologi negant, ut videre est apud Sayrum in clavi Lib. 3. cap. 6. & 7. & apud Banocin. d. p. 1. de legibus. q. 1. p. 7. & plures ex juris peritis; quos refert & sequitur Mantica Lib. 2. de conjecturis. tit. 14. n. 9. adhuc tamen Leges Romanorum apud nos obligare non possunt in foro interno; imo neque leges Pontificiæ, sive canonicæ, quæ respi-

ciunt

eiunt regimen politicum, & temporale, quia neque Imperatoribus, neque Pontificibus in temporalibus sumus subiecti; ut egregie notavit cum alijs Soar. Lib. 3. de legibus cap. 8. n. 3. & Reges nostri, tam Cæsareas, quàm Pontificias leges non tamquam leges, sed tamquam instructiones quasdam rationi consentaneas, etiam solum pro terminandis causis, in foro externo, quando defuerit lex, stylus, aut consuetudo regni, præcipiunt observari. Lib. 2. Ordinatio: tit. 5. in antiquis: & lib. 3. tit. 64. in novis: ut in specie notavit Illustriss. Archiepiscopus olim Bracharensis, modo Vlyssipponensis D. Rotericus à Cunha in cap. *Adrianus* 63. dist. n. 6. cum Cahed. 2. p. decis. 7. n. 4. & decis. 8. n. 3. Propterea, quanvis dicamus decisionem prædictam rectè procedere, quoad determinationem causæ ibi propositæ pro foro externo, adhuc non urget, ut dicamus in foro conscientie censendum fuisse modum succedendi immutatum per successionem effectivam trium Regum externorum in hac corona Lusitana; quia jus positivum, in quo decisio illa fundatur, apud nos non habet locum in foro interno: neque regni consensus in eos Principes externos præiudicavit legitimis successoribus ex reg. *Id quod nostrum ff. de reg. juris*: & arg. cap. *inter dilectos. de Donat.* & cap. *cum dilecti. de iis quæ vi.* & cap. *cum tempore, de arbitris*, & cap. *super controversia, de re iudicata*, tum quia, ut elegantur inquit jurisconsultus in *L. bona fides. ff. de positi*, ratio iustitiæ postulat, ut fidelitas servanda in contractu, non sit spectanda solum ex respectu inter contrahentes, sed etiam ex respectu aliarum personarum, ad quas id, quod geritur, pertinet; tum etiam quia talis consensus præstitus est per errorem, quo nihil consensui magis contrarium *L. Si per errorem ff. de iurisd. omnium iudicum*. Propterea tamquam indubitabile tenendum est; & constanter affirmandum, quod saltem in foro conscientie jus Regis nostri invictissimi Joannis I V. semper integrum, & illæsum perseveravit; ac proinde, quod cum summa iustitia, & ratione accepit Regnum sibi soli juxta formam institutionis de jure debitum, & deferendum; ac illud abstulit de potestate Regis Castellani, qui ad tale regnum possidendum, erat incapax juxta tenorem ejusdem institutionis, & ideo nunquam illud suum facere

primogeniorum, in qua sunt ferè pares Doctores pro utraque parte, ut eruditè ostendit Valascus *de jure empht.* q. 50. a. n. 30. & nos plures allegavimus nostro cons. 18. & 57. lib. 1. & cons. 59 n. 6. lib. 4. & cons. 21. lib. 5. quos brevitatis causa omitto: Solum, ne videamur fugere difficultatem, admitto, & Castellanis concedo pro sua parte probabilitatem, neque pro parte D. Catharinæ majorem volo (quamvis fuerit longè major) sed æquali vel etiam minori, ut rem efficacius premam, in præsentiarum contentus ero, quam nullus vel Tirelias hostis mihi denegabit: Cùm ad opinionem probabilem reddendam non sint necessarij plures Doctores, sed unus in facultate insignis sufficiat ut communiter docent Theologi, in quibus Sanch. lib. 1. in decalog. cap. 9 n. 7. & 10. Filliuc. tract. 21. cap. 4. a n. 134. Bonac. disp. 2. de peccatis q. 4. p. 9. n. 1: & quæcumque probabilitas ad intentum nostrum satis est; quia ex communi Theologorum sententia in qualibet materia licitum & tutum est amplecti opinionem probabilem relicta probabiliori, ut videre est apud Sanch. d. cap. 9. n. 6. 11. & 14. & cap. 10. n. 11. & 32. & lib. 4. cap. 1. n. 16 & cap. 2. n. 52. & lib. 1. de Matrim. disp. 9. n. 11. & lib. 2. disp. 41. a. n. 4. Soar. tom. 3. in 3. p. disp. 40. Sect. 5. n. 14. & Sect. 6. n. 8. Vasques 1. 2. d. p. 65. & 66. Sal. ibid. q. 21. art. 8. d. p. Unica Sect. 23. n. 231. & Diana. p. 2. tract. 13. resol. 1. 2. & 3. & p. 4. tract. 3. resol. 1. 2. & 3. & cum pluribus Bonac. d. p. 9. n. 4.

11. Dato igitur quòd Philippus I I. Castellæ Rex Catholicus, ex eo quòd pro sua parte haberet opinionem probabilem, bona fide possessionem Lusitani Regni occupasset (licet Doctor Petrus Hurcadus Castellanus d. p. 169. *de charie.* Sect. 7. in fine dicat inconsultò, ac temere eam occupasse) & quòd eadem bona fidès ad hæc usque tempora in ejus successoribus perseverasset; adhuc affirmo quòd Joannes I V. Rex noster invictissimus non fecit spoliū, neque vim, aut peccatum commisit, dum Philippum I V. Castellæ Regem à possessione prædicti regni Lusitani dejecit propria autoritate: quia quando pro utraque parte controversiæ datur probabilitas, unusquisque contententium potest tuta conscientia, rei de qua est controversia, capere possessionem.

possessionem; quando neuter est in illius possessione, ut concedunt Doctores Num. præcedenti allegati: Ergo etiam alter eam poterit extrahere de potestate alterius, qui jam fuerit in possessione illius; quia possessio, cum sit quid facti, neque jus possidentis auget, neque diminuit jus alterius, qui non possidet.

12. Contra hanc resolutionem, saltem in foro conscientiæ, certissimam, videtur militare commune juris axioma, desumptum ex *L. in pari. ff. de reg. juris*, & ex *reg. 65. eodem tit. in 6.* quod in pari causa semper sit melior possidentis conditio. Nihilominus hoc axioma solum habet locum, quando intervenit proprium dubium sine assensu probabili pro alterutra parte, quia quando nullo modo discerni potest ad quem ex duobus, vel pluribus res pertineat, eæconforme est naturali æquitati ac rationi, ut non auferatur ab eo, qui eam possidet, & habet in sua potestate: quavis enim possessio sit merum quid facti, neque in se jus ullum includat, vel illud tribuat possidenti, nihilominus habet quandam tituli similitudinem, quæ præstat actionem possidenti ad retinendum rem possessam: sicut ille qui rem Domino carentem primus occupat, & ideo in *§. Feræ instit. de rerum divisione*, & in *L. quod enim ff. de acquirendo rerum dominio*, eleganter dixit juris consultus: *Quod enim ante nullius est, id naturali ratione occupanti conceditur*: Cæterum quando pro utraque parte datur assensus, & opinio probabilis, non habet locum illud axioma, ut communiter tenent Doctores quos allegat & sequitur Barbos. in collect. ad illam regulam 65. Sanchius d. lib. 1. in Decal. cap. 9. n. 53. & lib. 4. cap. 1. n. 16. & lib. 2. de *Matrim.* disp. 41. n. 30. Soar tom. 4. in 3. p. disp. 22. sect. 9. n. 6. in fine. Valsq. 1. 2. disp. 63. ad finem. Filliuc. tract. 21. cap. 4. Vb. n. 142. Bonacin. disp. 2. de *peccatis* p. 4. 6. 9. n. 15. & 16.

13. Unde provenit, quod si quis habeat jus probabile ad aliquam rem à tertio possessam; possit licitè contendere in iudicio ad illam per sententiam iudicis de potestate possessoris extrahendam, sibi que vendicandam: & id possit advocatus procurare, & quilibet Doctor consulere, quanvis jus actoris sit minus probabile, ut communiter docent Theologi, & videri potest in Sayro lib. 1. Clavis regię cap. 17. n. 13. Sanch. d. cap. 9. n. 54.

Sala s

Sala. d. disp. unica Sect. 11. n. 104. Vasquez. citat. disp. 64. cap. 1. n. 3. Azor 1. p. Lib. 2. cap. 17. quæ ultima. Diana cum aliis 2. p. tract. 13. resol. 4. 5. & 6. Bonacin. & Filliuc. Locis citatis. & similiter iudex ex eodem capite etiam judicando secundum opinionem minus probabilem, saltem ex parte juris; potest rem à possessore per sententiam auferre, & adjudicare actori non possidenti, ut communiter tenent Doctores, & videtur est apud Sayrum. n. 8. Salas Sect. 12. n. 118. Filliucium n. 145. Bonac. n. 13. ad finem cum Aragoni, Salonio, & cum pluribus. Dianam resol. 3. Eodem modo dari potest bellum formaliter justum ex utraque parte inter duos principes; Si uterque habeat opinionem probabilem pro sua parte circa materiam, de qua est controversia, ut communiter admittunt Doctores, in quibus est Covarubias ad reg. *Peccatum*. p. 2. §. 6. n. 10. Filliuc. tract. 29. cap. 9. n. 185. Azor 3. p. lib. 2. cap. 7. q. 2: 4: & 29. Molin. tom. 1. d. p. 103. Salas citatus Sect. 15. a. n. 121. Turrrian. in 22. d. p. 90. dub. 2. Suar de charit. disp. 13. Sect. 6. n. 4. Bonac. cum aliis d. p. 2. *de resist.* q. ultima. Sect. 1. §. 2. n. 11.

14. Sed accedendo ad casum nostrum in specie, ac in terminis in dividualibus, adverto quod duo tantummodo Doctores illum disputarunt; nonnulli obiter tetigerunt. Sed omnes Castellani: Primus, qui disputavit, fuit Vasques citatus disp. 64. cap. 3. ubi resolvit, quod Princeps, qui non possidet, non potest bellum movere contra possidentem, neque illum à possessione deturbare, quanvis habeat jus probabile ad idem regnum, quod alter possidit. Idem tenet obiter Soar. proximè citatus. n. 3. Molin a n. 2. Montezin. in 22. tom. 1. disp. 29. q. 3. n. 224. Villalobos tom. 1. tract. 1. diff. 17. à n. 6. & ex parte Hurtad. disp. 169. de *charitate* Sect. 6. §. 59. & 60. Nihilominus recentior Sanch. qui post Vasques quem ventilavit in suis practicis disp. 44. a. n. 54. Latè ac nervose cum pluribus contrarium probat, quia Vasques, & illius sequaces omnes in eo tantum fundantur axiomaticè: quod in pari causa melior sit conditio possidentis; Cum tamen idem Vasques paulo antè in disp. 63. ad finem, ut diximus n. 12. ingenue confessus esset, & reliqui omnes fateantur, quod solum in

C

casu

casu proprii dubii, non verò quando pro utraque parte datur assensus, & opinio probabilis, locum habet illud axioma de meliori possidentis conditione, ut d. n. 12. demonstratum est: alioquin neque pars quæ non possidet licetè posset petere in iudicio rem à tertio possessam; quanvis ad illam jus probabile haberet, neque advocatus id procurare, neque aliquis Doctor consulere, neque iudex sententiam ferre contra possessorem, & semper foret injusta, & superflua lis intentata contra possessorem, quando pro utraque parte daretur, ut plerumque datur, opinio probabilis; quæ tamen omnia, & à communi sensu abhorrent, & aliena sunt à iudicio communi illorum omnium Doctorum, quos. n. proced. allegavimus. Imo etiam quando intervenit proprium dubium, existimat Huitad. d. §. 60. formari posse iudicium, quòd liceat possessorem bonæ fidei spoliare: & saltem quòd teneatur in tali casu possessor dividere, vel compositionem facere cum alia parte non possidente, ad minimum quando intellectus in dubio magis inclinatur in partem contrariam, vel si ea contradicente ab alio possessio est occupata, docuit tamquam probabilius Sanch. lib. 2. de Matrim. disp. 41. n. 19. cum Soto, utroque Ledesim. Salon., Bavar. & Valent. & postea Lib. 1. in Decalog. cap. 10. n. 9. dixit esse probabile, & Molin. tom. 1. d. p. 81. & disp. 103. à Versu illud. absolutè affirmavit.

15. Neque contra hanc secundam, saltem in foro interno, indubitabilem resolutionem quidquam facit ratio spoli, & violentiæ, quæ consideratur, & punitur apud forum externum, in eo qui propria autoritate, & privata vi possessorem spoliatur L. *Siquis in tantam. C. unde vi. §. ita tamen inst. de vi bonorum raptorum. §. sed ex Constit. inst. de interd.* & Ordinatio Lusit. lib. 4. tit. 58. quia talis prohibitio solum est de jure humano ut fatetur idem Vasques d. disp. 64. cap. 3. n. 8. cum Victoria in relect. *de jure belli.* a. n. 27. & hujusmodi leges pœnales sunt, ut constat ex ipsarum tenore, & pœnis constitutis in iisdem contra spoliatores, & adhuc concessio, quod Leges civiles in conscientia obligarent, de quo diximus, n. 8. Nihilominus pœnales Leges violatæ culpam non inducunt, ex mente Navarri, Jafonis Decii, Gomez, & aliorum, ut videre est apud Lessium lib. 2. cap. 33, dub. 8. n. 54. Sal. de

Sal. de Legibus disp. 15. Sect. 1. n. 6. Soar. eodem tit. lib. 80. cap. 3. n. 4. Layman. lib. 1. tract. 4. cap. 15. a. n. 1. Valent. p. 2. disp. 7. q. 5. prob. Azor 1. p. lib. 5. cap. 6. q. 1. Bonac. de legib. disp. 1. q. 1. p. 7. §. 2. n. 3. & de nonnullis id admittunt Illustriss. Acunia in cap. *factæ sunt* 4. dist. n. 2. cum Reginal. & aliis : & de jure civili non potest fieri compensatio in deposito L. finali C. *de compensationib.* & L. penultima C. *Depositi* ; & nihilominus Taner. in 22 disp. 5. q. 6 dub. 14. n. 141. cum Navarro, Lessio, & aliis quos refert & sequitur Diana 3. p. tract. 5. Miscel. resolut. 10. talem compensationem admittunt in foro conscientie : Similiter de jure civili non admittitur compensatio, nisi de specie, ad speciem L. *si convenerit*. 2. in principio ff. *de pignorat. actione* ; vel de quantitat. ad quantitatem L. *Si constat* C. *de compensat.* & tamen in foro conscientie Theologi eam admittunt in quocumque debito ex iustitia, ut videtur est apud Bonac. disp. 1. *de restit.* q. ultima. p. 2. §. 1. n. 10. & 13. & nos diximus cons. 49. Lib. 4. ac proinde ex nullo cap. dici potest, quod Rex noster invictissimus Joannes I V. acceptando, & occupando regnum Lusitanum, ac ab ejus possessione, dejiciendo propria autoritate Regem Castellæ, commiserit excessum aliquem, vel peccatum ; neque etiam quod illud committat in retentione ejusdem regni, & defensione possessionis semel acceptæ.

16. Neque multum curandum est de Doëtoribus qui nobis vel sunt, vel videntur esse contrarii : dum tenent eum, qui non possidet, non posse propria vi, & autoritate spoliare possessorum bonæ fidei ; licet jus probabile, vel etiam probabilius habeat ad eandem rem ; nisi certum sit : jus spoliantis, in quibus sunt omnes, qui non admittunt probabilitatem, sed requirunt. Certitudinem juris ad occultam compensationem faciendam. Ut Bonac. disp. 1. *de rest.* q. 2. p. 2. n. 15. Sanch. *de Matrim* Lib. 2. disp. 44. a n. 3. cum aliis ; non, inquam, de iis multum curandum est, tum quia sibi ipsis contrariantur, dum fatentur conditionem possidentis in solo dubio esse potuiorem ; & tamen ex hoc fundamento negant occultam compensationem, & spoliationem propria autoritate faciendam ab eo, qui jus probabile, vel etiam proba-

probabilius habet ad eandem rem: tum etiam quia loquuti videntur secundum jus positivum prohibens spoliare propria auctoritate possessorem; quod perperam existimant obligare, saltem si penale est, in conscientia, de quo diximus, n. præcedenti.

17. Et quidem Sanch. valde perplexus est, in ea disp. 44. circa decisionem hujus difficultatis, modo omnimodam, modo non omnimodam certitudinem; sed eam, quæ cum exiguo dubio sit conjuncta, in spoliante requirens, licet lib. 4. in Decal. cap. 3. n. 6. & 7. in omnimoda certitudine magis firmus consistat: Deinde jus positivum in locis citatis, non solum bonæ, sed etiam malæ fidei possessorem prohibet spoliari privata auctoritate; & tamen nullus theologus negat posse dominum rei certum, saltem quando aliter commodè non potest, spoliare furem, sive malæ fidei possessorem propria auctoritate; ut de occulta compensatione ex communi sententia docet Bonac. d. disp. 1. de rest. q. ult. p. 2. n. 18. & in nostris terminis cum Soto. & Sylvest. tenet Less. lib. 2. cap. 12. dub. 11. Unde in cap. *in Litteris. §. de restit. spoliatorum* jus civile dicitur rigorosum dum in L. 1. §. *qui a me. ff. de vi, & vi armata*, decernit prædonem, esse restituendum, & ideo in eodem jure Civili semper æquitatem præferendam esse juris rigori decernitur L. *Placuit. C. de judiciis*.

18. Imo neque contra dispositionem juris civilis fecisse videtur Rex noster invictissimus: quia eum Philippus II. Lusitaniam armatus ingrediens vim fecisset legitimis successoribus in jure suo. Joannes vim vi repulit, quando commodè potuit: juxta dispositionem ejusdem juris. Ut patet ex dictis. n. 5. præsertim quia Philippus toti rei publicæ Lusitanæ vim fecit: dum non expectavit illius Sententiam circa successionem regni; quam pronuntiare de jure ad ipsam spectabat: ut tenent communiter Doctores, quos infra n. 34. referemus: neque enim sententia Ayamontana, nomen sententiæ merebatur, juxta L. 4. §. *condemnatum ff. de rejudicata*: quia nulla fuit; tum quia lata fuit extra territorium Regni L. *finali ff. de jurisdictione omnium judicum. cap. novit de officio Legati. & cap. 2. de constit.* in 6. tum etiam quia

quia non omnes iudices à regno designati Ayamontem con-
 venerunt; neque talem sententiam pronuntiarunt *L. si in tres aliis
 item si unus. ff. de receptis arbitris cap. Nicana 36. dist.* neque
 obstat. cap. 2. *de arbitris* in 6. non solum quia est aperte contra-
 rium juri Civili; Sed etiam quia in eo tantum casu habet locum,
 in quo minor pars arbitrorum, voluntariè, vel malitiose interesse
 negotio noluerit: In nostro autem casu iustissima dabatur causa
 non interessendi: quin etiam Philippus ante eam quoque invali-
 dam sententiam vim intulerat, quia ante illam prolatam exerci-
 tum in Lusitaniam immiserat: ac proinde cum Joannes Rex no-
 ster invictissimus totius regni, cui vis fuerat illata, publica autho-
 ritate possessionem invaserit, & Castellæ Regem ab ea dejecerit,
 spoliū, & violentiam, minime commisit, ut constat ex legibus,
 n. 5. allegatis & ex *L. qui authore. ff. de reg. juris*, & *L. iuste pos-
 sidet ff. de acquirenda possessione*, in quibus decernitur, neque
 spoliū committere, neque vim inferre, qui publica authori-
 tate possessionem occupat, vel se à vi illata, quando commodè
 potest, etiam vim vi repellendo, defendit, & reddit indemnem.

19. Duplex est locus in jure Canonico, in quibus Sanchez
 præcipuè fundatur; sed uterque favet potius, quàm contrariatur
 nostræ resolutioni: alter est in cap. *si Virgo 34. q. 2. ibi si Virgo
 nupserit nesciens viro alieno; si semper nesciat nunquam ex hoc ad-
 ultera eris: si autem sciat, iam ex hoc adultera esse incipit.* Qui
 sane textus aperte loquitur de nescientia impedimenti habita à
 principio Matrimonii, ante consumationem, & copulam, per
 quam conjux in conjugem acquirit possessionem, ut rectè cum
 aliis docet idem Sanch. lib. 7. *de Matrim. disp. 112. a. n. 6.* &
 de scientia post consumationem adveniente: & loquitur per
 ord. ad petendum potius, quàm ad reddendum debitum, quia
 adulter est qui alieni conjugis corpore utitur *L. inter liberas ff.
 ad L. Inliam de adulteriis*, gloss. in *L. si ea.* verbo: *adulteris*
C. eod. tit. & fatemur eum, qui certo novit rem non esse suam,
sed alienam, eam petere, vel retinere non posse: Si tamen proba-
 biliter credat esse suam, & petere & retinere illam potest: Unde
 locus iste à contrario sensu pro nobis est. cap. *non no: de Prae-
 sumpt.* ut clarius constabit ex declaratione alteri ius loci.

20. Est igitur alter locus in cap. *Inquisition. de sent. excis.* ibi: *Verum cum conscientia pulsat animum ex credulitate probabili, & discreta: quanvis non evidenti, & manifesta, debitum quidem reddere potest; sed postulare non debet, ne in alterutro, vel contra legem conjugii, vel contra iudicium conscientiae committat offensam.* Ubi quidem definitur conjugem qui habet opinionem probabilem impedimenti supervenientis, posse alteri conjugi possessori, qui certus est de jure & possessione sua, per contractum, & copulam antecedentem, reddere debitum: in quo omnes convenimus, quia certum praevalet incerto: opinio autem, quantumvis probabilis, semper est incerta, scientia vero certa, & certum ad majorem securitatem ubique tenendum est, incertum dimittendum cap. *si quis dist. 7. de pœnit.* Imo. cdm Pontifex dicat, *Debitum quidem reddere potest*, videtur insinuare, quod etiam possit negare, quia verbum *l. potest*, quando ponitur affirmativè, non importat necessitatem, sed voluntatem. *L. sæpe. ff. de offic. præsid. l. non quidquid. ff. de judiciis l. Verbum oportere ff. de Verb. obligat.* Bartol. in *L. Gallus. n. 4. ff. de liberis & posthumis*: & huic expositioni consonat Doctrina ejusdem Sanch. lib. 4. in decalog. c. 1. n. 16. & Soarii tom. 4. in 3. p. disp. 22. Sect. 9. n. 6. in fine, ubi docent cum aliis communiter debitorem, qui pecuniam mutuam accepisse certus est, posse quidem eam solvere, sed non teneri ad solvendum, si probabiliter credat jam à se factam fuisse solutionem. Unde jam constat, quod textus iste nobis favere videtur, quia sicut conjux probabiliter conscius de jure suo ad non reddendum, poterat quidem reddere, si vellet, non tamen reddere tenebatur, sed alterum conjugem possessorem poterat spoliare, ita Rex noster invictissimus, licet posset dissimulare, & non auferre regnum à Rege Castellæ, non tamen tenebatur id efficere, & silere, sed poterat eum spoliare: quatenus vero Pontifex addit, *Sed postulare non debet*, intelligitur quando simul non habet probabilem assensum de non existentia impedimenti; Nam si simul habeat talem assensum, etiam postulare potest, ut in ea disp. 44. n. 4. in fine fatetur idem Sanch. ac proinde Rex noster invictissimus, cum haberet non modo probabilem, sed longe probabiliorem opinionem pro sua parte,

etiam

etiam stando in sola juris dispositione, & seclusis aliis rationibus, quæ in forma institutionis habent evidens fundamentum, & petere potuit, & auferre à Philippo regnum Lusitanum, in cujus possessionem, nec ejus avus Philippus II. nec ejus Pater Philippus III. nec ipse ingressus est cum jure certo, sed ut plurimum cum opinione probabili, stando in præcis terminis hujus secundi fundamenti.

21. Propterea Castellani præsentientes id, quod erat futurum, & subodorati debilitatem juris, quo Reges eorum Lusitanum regnum possidebant, ut causam suam aliquo honestiori prætextu condecorarent, inter alia figmenta, quæ in prædicto tractatu Antverpiæ nuper impresso sub ficto nomine fratris Joannis Caramuelis publicarunt, illud quoque admiscuere, dicentes quodd Lusitaniæ corona nunquam, ac nusquam à Castellana legitime fuit separata, ac dismembrata; ac proinde, quod semper reges Castellæ jus in ea retinuerunt, & potuere illam ab ipsis regibus Lusitanis adhuc viventibus, tamquam ab injustis possessoribus auferre: Sed egregie decipiuntur, tum quia certum est tempore immemoriali majoratum, vel in totum, vel in partem præscribi posse, etiam contra futuros successores; ut ostendit cum communi Doctorum Gabriel Prima dicta decis. 52. & constat Lusitanam Coronam in regibus suis per annos plusquam 440. fuisse separatum à Castellana; tum etiam quia certum est Regem Castellæ Alphonsum 6. imperatorem nuncupatum; dedisse in dotem ob egregia facinora in bello edita contra Mahometanos in Hispaniis Henrico Lotaringio nostrorum Regum progenitori, cum filia sua Infanta Taresia sub titulo Comitatus Lusitaniæ terras, quæ jam à Maurorum erant potestate liberatæ; & jus recuperandi cæteras, quas Mauri adhuc in Lusitania possidebant, ut constat ex Lusitanis & Castellanis historiis: & fatetur Molina tom. 3. disp. 632. n. 7. Michael de Aguirre in Apologia pro Rege Philippo III. p. 2. n. 36. & ex eo refert Gabriel Prima decis. 2. n. 1. & Rodéricus Mendez a Sylva in Catalogo regio agens de rege Alphonsio VI: & quanvis non constaret de hoc titulo, is à tempore immemoriali inducitur, ut tenent communiter Doctores, quos refert & sequitur Pereyra d. decis. 52. n. 6. & de manu regia.

regia cap. 2. n. 4. Molin. tom. 1. disp. 70. n. 8. Covasrub. 1. variarum cap. 10. n. 14. & cap. 17. n. 11. & in regul. *Possessor* 2. p. §. 3. n. 2. Valascus *de jure emphyt.* q. 8. n. 36. Gomez. 2. Variar. cap. 15. u. 27.

22. Quin etiam constat prædictam dismembrationem coronæ Lusitanæ à Castellana factam fuisse intervenientibus solennitatibus requisitis; quia & Rex Alphonsus VI. & populus suum præstiterunt consensum, quem Pontifex Romanus speciali rescripto confirmavit, ut refert Petrus Mariz in suis dialogis cap. 3. & ex eo Gabriel Prima *de manu regia* cap. 24. n. 3. & quanvis solennitas requisita non intervenisset, elapso Decennio præsumitur intervenisse. *L. si filius Famil. C. de petit. hæredit.* Ubi communiter Doct. res, quorum plures allegavimus consil. 30. n. 2. & cons. 69. n. 3. Lib. 3. & consil. 36. n. 4. & consil. 57. n. 3. Lib. 4.

23. Denique in eodem Caramuelis tractatu commentum sunt Castellani in forma institutionis Majoratus Regii Lusitani constituta in Comitibus Lamaccensibus exclusam fuisse representationem in ordine succedendi, dum vocatur Filius masculus primogenitus Regis, & per mortem primogeniti vocatur secundo genitus; & sic de cæteris, in defectum autem masculorum feminæ admittuntur. In isto tamen commento non modo falsitatem, sed etiam ignorantiam suam manifestarunt: Certum enim est quod omnis dispositio, & constitutio intelligenda est loqui in terminis habilibus cap. *ex nobis* 1. *de sent. excommunic.* & gloss. communiter recepta in cap. 1. verb. *ab omnibus. de constit.* de jure autem communi fideicommissam descendenti relictum non transit ad substitutum, nisi hæres gravatus sine liberis discedat. *L. cum accus. ff. de condit. & demonstrat.* Ubi communiter Doctores, & primogenia nostra fideicommissis Romanorum æquiparantur, ut recte notavit Cahedus. p. 2. decis. 51. n. 4. & ideo si in fideicommissis de jure Cæsareo datur representatio, per eum modum vocandi non est exclusa; Imo, ut argumentum retorqueamus, per illam seriem vocationis constitutus est ordo linearum, & nunquam admissa est fœminina, nisi in defectu Masculinæ; ac proinde cum unusquisque filiorum Regis Emanuelis lineam suam

suam constituisse, ut rectè notavit Gabriel Prima decis. 59. n. 6. cum Castillo lib. 3. cap. 15. n. 2. & aliis: & D. Catharina Regis nostri invictissimi avia paterna foret in linea masculina Infantis Odoardi Patris sui; Philippus verò secundus Rex Castellæ in linea fœminina Elisabethæ Imperatricis Matris suæ, non potuit D. Catharinam, ejusque descendentes excludere; nec ipse ad successionem admitti, quandiu aliquis de linea aliqua masculina filiorum Regis Emanuelis superesset.

24. In tuto igitur posita Regis nostri invictissimi Joannis IV. conscientia, ex prædictis duobus fundamentis: alia via pro 3. non infelicitè ex abundantia tentari potest: Dato non concessio quod Reges Castellæ Lusitanum regnum ad hæc usque tempora legitime tenuerint: adhuc enim in tali casu dicendum credo; quod opt. jure Reges Castellæ per nobilitatem & populum Lusitanum regno privati fuere, & electus ab iisdem Joannes IV. Rex noster invictissimus: propterea quod prædicti Reges Castellæ, & præsertim Philippus IV. non observavit conditiones, leges, clausulas & juramenta, quibus ei regnum à populo datum est; sed regia potestate incredibiliter abusus est, in perniciem, & omnimodam destructionem ejusdem recip. à qua talem potestatem, & regiam dignitatem accepit.

25. Ad intelligentiam verò, & probationem hujus fundamenti supponendum est primò, Regiam potestatem in singulis regnis a populo, sive à rep. perfectaue communitate, in reges suos sub certis conditionibus, clausulis & obligationibus fuisse translata, & ubi per successionem defertur, in Majoratum fuisse per contractum inter vivos institutam. Ita communiter utriusque juris periti, in quibus est etiam Navar. in cap. *novit.* Notab. 3. *de judiciis*, & Covar. præct. cap. 1. n. 6. Panormit. & alii cap. *per venerabilem: qui filii sint legitimi*, quos unanimi consensu sequuntur Theologi: Soar *defens. fidei*. lib. 3. cap. 2. à n. 10. & lib. 3. de legibus cap. 4. Molin. tom. 1. à disp. 21. Tanerius in 22. disp. 5. q. 5. dub. 1. a. n. 8. D. Thom. 1. 2. q. 9. art. 3. ad 2. & q. 97. art. 3. ad 3. Caet. in opusc. de pot. Papæ p. 2. cap. 2. & 10. Victoria in relect. cod. tit. n. 21. & cum pluribus Diana p. 1. tract. 2. resol. 125. Cabed. cum

D

aliis

aliis Legistis p. 2. decis. 8. n. 2. & decis. 40. n. 9. & nos notavimus in libello, quem Manifesti titulo scripsimus de motu Eboræ excitato contra præsidem anno 1637. die 21 Augusti in prognosticum, & auspiciu præsentis felicitatis §. 2. ex Augustino lib. 3. confessionum cap. 8. nec non ex L. 1. & 2. ff. de orig. juris. & L. 3. ff. de constit. Princip. & §. sed & quod Principi, inst. de jure naturali.

26. Supponendum est, 2. omnem majoratum institutum per contractum inter vivos, esse donationem factam sub modo, vel conditione, ut docet Molina jurista lib. 1. de primog. cap. 1. n. 16. & approbat, ac declarat optimè Mol. Theol. tom. 3. disp. 577. n. 7. Soar. quoque potestatem, ac dignitatem regiam vocat donationem à populo factam d. lib. 3. defens. fidei cap. 3. a n. 2. & d. lib. 3. de legibus cap. 4. n. 4. ubi n. 3. ad finem addit hæc verba: *Et quia res transit ad successorem cum suo onere, conditiones illæ, cum quibus primus Rex à republica regnum accepit, ad successores transeunt, ita ut cum iisdem oneribus regnum habeant.*

27. Supponendum est 3. donationem, contractum, & quamcumque aliam dispositionem factam sub conditione habente tractum successivum, tandiu valere, quandiu conditioni paretur, qualis est conditio Morandi L. 4. §. finali. ff. de alimentis, & cibariis Legatis. & L. qui concubinam §. Uxori ff. de Legatis 3. & conditio non nubendi in viduis auth. de nupt. §. quæ vero. collat. 4. & auth. cui relictum C. de indicta Viduit. & conditio, si castè vixerit arg. L. Filie ff. de annuis Legatis & L. Pater Severinam §. finali ff. de Legatis 2. & similes, in quibus dum paretur conditioni, rata manet dispositio; ubi vero non paretur, evanescit, ut tetigit gloss. in cap. Olim. 12. verbo traditam sub conditione, de restit. spoliatis; & tractat eleganter Sanchez lib. 7. de Matrimon. disp. 91. a. n. 6. eum alius, & nos diximus in tract. de testamentis cap. 72. & consil. 34. lib. 2. Merez de Majoratu. 1. p. q 57. & Surdus de alimentis. tit. 4. q. 15.

28. Supponendum est 4. omnem donationem, & quamcumque aliam dispositionem factam sub modo, vel ita fieri, ut intentio donantis, sive disponentis sit, quòd talis donatio, vel dispositio habeatur

habeatur statim pro revocata & nulla, ubi primūm modus, sive onus non impletur; vel quod pro revocata non habeatur, id tamen prudens arbitrio suo definire debet juxta circumstantias, & materiam dispositionis, ut notatur in L. 2. §. finali. & L. 3. ff. de donationib. & L. 1. C. de donationibus, quæ sub modo: & quoties relinquitur in testamento Legatum sub aliquo onere, tenetur de jure Legatarius, antequam recipiat Legatum, prestare cautionem de onere adimplendo, & de re cum fructibus restituenda, nisi onus adimpleat. L. quibus diebus §. Terminus ff. de condit. & demonst. Ubi communiter Doctores cum Bartol. Gom. 1. Variar cap. 12. n. 6. Molin. de primog. lib. 2. cap. 12. n. 23. Mol. Theol. tom. 1. disp. 108. & nos cum aliis diximus cap. 73. de testamentis.

29. Supponendum est §. donationes etiam natura sua irrevocabiles, & puras, factas inter vivos, variis de causis posse revocari, ut constat ex toto C. de revocandis donationib. & ex cap. finali de donat. & ex Ord. nostra Lusitana lib. 4. tit. 63. Ubi in remissionibus cum pluribus Barhos. Mol. tom. 2. disp. 281. Azor 3. p. lib. 11. cap. 8. Lessius lib. 2. cap. 18. Gomez, 2. variar cap. 4. Filliuc. tract. 34. cap. 6. Julius Clar. §. Donatio. q. 21. Bonac. cum aliis disp. 3. de cont. q. 13. p. ultimo n. 2. & nos diximus latè lib. 2. de conf. cap. 2. a. n. 6.

30. His ergo suppositis, mirum & lamentabile est, quantum humanus intellectus, vel obnubilitur, vel reprimatur à timore supremæ potestatis: Unde credo evenisse, ut multi Recentiores Doctores scriberent non licere unquam reip. revocare donationem regi factam; potestatemque regiam in eum semel collatam ab eodem auferre, ut tenet cum aliis Salas. disp. 7. de legibus Sect. 16. n. 79. & Bonac. cod. tit. disp. 1. q. 1. p. 3. n. 6. Sed audentiores, & constantiores fuere plures ex antiquis, quos refert idem Salas & D. Antoninus p. 1. tit. 18. cap. unico: vers. Lex secundum Isidorum, cum quibus etiam doctissimus Bellarm. & Navar. quos refert & sequitur Soar. lib. 3. defens. fidei cap. 3. n. 3. & lib. 6. cap. 4. n. 15. id verissimum esse dicens cum Molin. tom. 4. tract. 3. disp. 6. D. Thom. lib. 1. de regim. Princ. cap. 6. Soto lib. 1. de just. q. 1. art. 3. Banez. 22. q. 64. art. 3. dub. 1. & aliis qui omnes constanter, ac verè affirmant populum,

live remp. nunquam ita suam potestatem in Principem transferre, quin eam in habitu retineat, ut ea in certis casibus uti possit; & adhibent exemplum in eo casu, quo Rex justam suam potestatem verteret in tyrannidem; illa in manifestam regni perniciem abutendo: Quia tunc, inquiunt, posset populus naturali potestate ad se defendendum uti, hac enim nunquam se privavit: & hoc ipsum insinuare videtur idem Soar. lib. 3. *de legib.* cap. 10. n. 6. & 7. dum dicit, pœnam privationis regni, nullo jure latam esse ipso facto contra reges iniquos; quasi verò per sententiam privari possint; ut plerique ex citatis Doctoribus volunt, & nos inferius discutimus.

+
ia regis
31. Confirmatur ista resolutio ex suppositis, ⁺que regnis majoratus est donatio à populo facta regi, ejusque successoribus; vel sub conditione, vel sub modo, vel absolute inter vivos: sed donatio facta sub conditione habente tractum successivum, statim censetur revocata, ubi conditioni non paretur; & similiter ea, quæ fit sub modo resolvendo in conditionem: & quanvis non resolvatur in conditionem, revocari tamen potest; saltem in eo casu, in quo revocare licet puram donationem: ergo aliquis casus assignandus est, in quo donatio regis dignitatis revocari queat à populo donatore: neque videtur alius magis opportunus, quàm is, in quo Rex collata potestate omnino abutitur in perniciem totius regni: neque enim censendus est populus dedisse potestatem in suam ipsius destructionem, & ruinam, cum neque Deus id efficiat teste Paulo 2. Corint. 10.

32. Catholicus autem Castellæ Rex Philippus IV. ut antecessores ejus omittamus, regia potestate in manifestam Lusitanis ruinam abutebatur; ut occulta de Lusitano nomine pessundando, ac penitus extinguendo machinantenta in Secretarii scelestissimi interfecti scriniolo inventa; & multo antea per conjecturas non obscuras deperhensa palam faciebant: eaque secreta consilia factis iniquissimis se prodebant; nam Civitatum, privilegia, Oppidorum, Conciliorum, regnique totius immunitates, & stylos à se juratos per summum nefas infringebat; tributa importabilia contra formam præstiti juramenti imponebat; quorum etiam nomina exquisita hominibus externis credè fore incredibilia, & ideo.

ideo, ne veritatis, quam vendicare profiteor, fides periclitetur, aliis nominatim recensenda relinquo: execrabilem simoniam, supremas Ecclesiarum dignitates, & tiaras plus licitantibus vendendo, exercebat: Ecclesias, personasque ecclesiasticas, per nefanda sacrilegia miris ac mille modis divexabat; nobilitatem extinguere, ac omnino delere illustriores regni familias, earumque splendorem obnubilare; regnumque gloriosissimum Orientis, & Occidentis Dominium in abjectissimam provinciam Castellanae servitutis iugo suppositam redigere contra praestitum Sacramentum variis conatibus satagebat: Collectorem Pontificium per summum dedecus Apostolicae sedis, & aeternam labem Lusitanae pietatis Ulyssipone iussit obsidere, & turpissimè vinctum à regno exulare: Comendas ordinum, militarium institutas in praeium bellicae virtutis, & verae nobilitatis insignia, aliasque reip. dignitates, & officia vilissimis hominibus Venalia faciebat; arces praesidiis necessariis destituebat ut hostibus paterent, milites fame, ac nuditate confectos vel enecabat vel ad latrocinia invitabat: Classes omnino necessarias ad oram tutam commerciis, mercatoribusque domesticis ac externis reddendam, penitus extinxit, ut Algerium, Tutuanum, Salecum, Marrochium, & Fessa non solum divitiis, sed etiam miserrima Lusitanorum captivitate replerentur; ita ut universa penè Lusitania parentum, fratrum, maritorum, cognatorum, & amicorum miserabilem servitutem, & à fide aliquando defectionem ubique viduata lugeret: navigationes in quibus tota res Lusitana consistit, omnino deseruit, ac subtili tacitae rerum subtractione labefactavit: Minam in Africa, Ormusium in Asia, in America Pernambucum, aliaque Lusitanae ditionis loca magni momenti & emolumentum, per summam incuriam, nec sine Lusitani nominis infamia, & dedecore amisit, & plura alia atrocissima scelera per negligentiam, & ignaviam, vel per malitiam in regimine commisit, vel committi per ministros suos permisit; neque populorum ad eum saepius clamantium gemitus audiebat; sed Roboamo similis jugum in dies magis ac magis aggravabat, ut impleretur quod dictum erat à Domino per se, & per servos suos Prophetas, quod in 16. generatione Sanctissimi Regis nostri Alphonsi Primi attenuata, antequam annus quadragesimus clau-

deretur, respecturus erat ipse Dominus, & visurus, & Lusitano populo novum, propriumque Regem daturus.

33. Certè propter unicum, ac singulis relatis multo levius crimen minatus est Pontifex Romanus privationem regni filio primogenito Regis Ungariæ, ut constat ex cap. *licet devoto*: & propter multo minora privavit hoc ipso Lusitaniæ Regno, saltem quo ad regimen, & administrationem Sanctiam. 11. ut constat ex cap. *Grandi. de supplenda neglig. Prælatorum. lib. 6* & Cheldericum Galliarum Regem deposuit. cap. *alius* 15. q. 6. & plures alios Reges, ac Imperatores; quos recenset Soar. lib. 3. de fensid. cap. 23. n. 15. & lib. 6. cap. 4. n. 17. & utrobque cum pluribus ostendit posse id efficere Pontificem Romanum per sententiam suam, respiciendo semper bonum Spirituale reip. *Christianæ* ex cap. *Novis. de judicijs* cap. *per Venerabilem de Elect.* & aliis: Ubi in collect. cum multis de more suo Barbof. & Gab. Prima *de manu reg.* p. 1. prælud. 2. n. 16.

34. Præciso tamen respectu ad bonum spirituale, non est ea potestas in Pontifice, sed in rep. quod fatetur Soar. d. lib. 3. cap. 3. n. 3. & d. lib. 6. cap. 4. n. 15. & disp. 22. de fide sect. 6. n. 8. Molin. d. disp. 6. tom. 4. & tom. 1. disp. 103. avers. *quavis*: & alii Doctores citati super n. 30. Vasq. 1. 2. disp. 64. cap. 3. n. 19. Hurt dicta disp. 169. *de charit.* Sect. 6. & 7. Turrian. 2. 2. disp. 90. dub. 2. Vnde cum Philippus IV. Castellæ Rex propter scelestissimum abusum regiæ potestatis, non solum per majorem, ac meliorem partem Lusitanæ Nobilitatis, matura, diuturnaque præcedente occulta deliberatione fuerit regno privatus, & electus invictissimus Rex noster Joannes IV. Sed etiam universa resp. illius privationem, & hujus electionem per acclamationem publicam prius, deinde per legitima suffragia ad finem Januarii proxime sequentis Vlyssipone in generalibus totius regni Comitibus approbaverit, & firmam, ratamque habuerit, ex hoc etiam capite tuta manebit regis nostri invictissimi, atque subditorum ipsius conscientia, ut non modo sine scrupulo, sed etiam miramur alacritate, tamquam veritatis, ac justitiæ defensores datam Joanni Regi invictissimo regni possessionem, usque ad sanguinis effusionem, & vitæ amissionem constanter tueri queant, si Philippus